

**IN THE MALEKULA ISLAND COURT
OF THE REPUBLIC OF VANUATU**
(Civil Jurisdiction)

Civil case 997 of 2021

BETWEEN: FIRMEIN URELELES
ATOL KILETEIR
DON KEN

Claimants

AND: MALON BAIPA
WILLIE MARK
MOSTICK MALACHI
ROBSEN LESNAWON

Defendants

Date of Hearing: 24 March 2021
Date of Judgment: 26 March 2021
Before Justices: Kalangis MELE (Chairperson), Alina MALAPA, Edwin EDWIN
Clerk: Collyne Tete Maki
In Attendance: Claimants - Present
Defendants – Present

ORDER



1. INTRODUCTION

Kot emi welkam ol parties mo ol famile memba we oli present blong listen long kes blong aaplikesen blong joen olsem wan parti long jifly taetol kes blong Amelprev welele nasara. Jeaman blong kes em i talem maot olgeta tri (3) jastis we oli sit daon long kes mo I no gat any objection we wan long olgeta parties I mekem long olgeta. Kot em i letem ol parties oli save se decision long em bae em i follem nomo ol toktok blong olgeta we bae I kam maot long kot.

2. ISSUE BIFO LONG KOT:

From wanem nao ol kleimen's oli wandem joen in olsem wan party long kes blong jifly taetol blong Amelprevwelele?

3. BACKGROUND BLONG CASE

I gat tri (3) appliksen I kam long kot blong wandem pat long kes blong jifly taetol blong Amelwelele nasara.

Family Kileteir we Atol Kileteir i representem olgeta i talem long kot se oli mas pat long kes ia from we oli gat sam settlement insaed long nasara mo from em nao emi founda blong Amelprev welele. Em i talem tu se Jof Taarinmal follem muvmen blong em I stat long mainlan mo kasem smol aelan. Mo emi wandem tu sapos kes ia I save ko bak long vilij kot.

Firman Ureleles emi talem long kot se emi wandem joen long jifly taetol kes ia from we emi founda blong Amelprev welele nasara. Emi wandem kes blong ko bak long vilij kot. Emi talem tu se las man long Amelwelele em nao I berem em we emi Yornovwe. Em talem tu se emi no bladlaen be emi kleim adoption tru long Yornovwe.

Jean Marc Yorley we emi representem Don Ken emi talem long kot se emi wandem joen in olsem wan party from we Amelwelele nasara emi stap insaed long eria blong em. Emi wandem kes I mas ko daon long vilij kot mo emi relate long nasara ia.

Kleimen emi respond mo talem se kes emi blong jifly taetol mo I no graon mo emi filem kes emi no wandem kes blong I ko bak long Vilij kot.

Afta we kot I harem toktok blong ol parties kot I mekem ol findings ia:

4. COURT FINDINGS

Family Kileteir

- Em i talem se emi founda blong nasara
- Em i gat sam Kastom identities insaed long Amelwelele nasara

Firmin Ureleles

- Em i talem se emi berem Yornovwe we emi las man long nasara mo emi kleim adopsen

Don Ken

- Em i se nasara ia emi relate long em




Afta we kot I mekem ol findings ia kot I mekem oda se:


5. COURT ORDERS


1. Family Kileteir, Firmin Ureleles mo Don Ken bae oli pat blong Jifly taetol kes blong Amelwelele nasara
2. Ol parties long oda 1 oli gat stat tedei kasem namba 7 Aprel 2021 blong filem kleim blong jifly taetol I kam long aelan kot
3. Eni long ol parties I no hapi long decision ia emi gat 30 dei blong emi apil ko long Magistret kot

ODA IA KOT I MEKEM LONG 24 BLONG MANIS MARCH 2021

BY THE COURT


Justice Alina Malapa


Justice Edwin Edwin


Justice Kalangis Mele
Chairperson

